

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 244489 24 St
Zenica, 24.04.2025. godine

Općinski sud u Zenici, sutkinja Marina Šapina, u stečajnom postupku nad društvom Društvo za proizvodnju, promet i usluge „HENKOS“ d.o.o. Jelah-Tešanj, ul. Titova b.b., Jelah, Tešanj, odlučujući o prijedlogu privremenog stečajnog upravnika Izudina Alića iz Tešnja, na ročištu održanom dana 24.04.2025. godine, u prisustvu privremenog stečajnog upravitelja i Nermina Kantića, zastupnika po osnovu zakona predlagatelja, donio je sljedeće:

R J E Š E N J E

Pozivaju se povjerioci i zainteresirana lica da u roku od 30 dana od dana objavljivanja poziva predlože otvaranje stečajnog postupka i uplate predujam za obezbijeđenje troškova stečajnog postupka u iznosu od 5.000,00 KM, na depozitni račun ovog suda broj: 134-010-0000044837 otvoren kod ASA Banke d. d. Sarajevo, te da po izvršenoj uplati predujma sudu dostave uplatnicu, kao dokaz da je uplata izvršena.

Ukoliko u ostavljenom roku povjerioci i zainteresirana lica ne predlože otvaranje stečajnog postupka i ne uplate predujam sud će otvoriti stečajni postupak i odmah zaključiti stečajni postupak nad društvom Društvo za proizvodnju, promet i usluge „HENKOS“ d.o.o. Jelah-Tešanj, ul. Titova b.b., Jelah, Tešanj, MBS:43-01-0359-10.

O b r a z l o ž e n j e

Prijedlogom od 15.04.2024.godine, predlagatelja Društvo za proizvodnju, promet i usluge „HENKOS“ d.o.o. Jelah-Tešanj, ul. Titova b.b., Jelah, Tešanj, zastupan po zastupniku po zakonu, direktoru Kantić Nerminu, pokrenut je stečajni postupak nad navedenim društvom.

Rješenjem ovoga suda br. 43 0 St 244489 24 St od 06.02.2025.. godine, pokrenut je prethodni postupak radi utvrđivanja uslova za otvaranje stečajnog postupka nad imovinom stečajnog dužnika Društvo za proizvodnju, promet i usluge „HENKOS“ d.o.o. Jelah-Tešanj, ul. Titova b.b., Jelah, Tešanj MBS:43-01-0359-10 i za privremenog stečajnog upravnika imenovan je Izudin Alić iz Tešnja , Raduša b.b.

Na ročištu za ispitivanje uvjeta za otvaranje stečaja održanom dana 24.04.2025. godine, privremeni stečajni upravitelj je izjavio da ostaje kod svog izvještaja dostavljenog sudu dana 03.03.2025.god. Navodi da je prilikom sačinjavanja izvještaja stupio u kontakt sa osnivačem koji je i direktor društva, agencijom za knjigovodstvene poslove, te je u prisustvu osnivača obišao lokaciju i predmetni prostor u kojem je društvo poslovalo odnosno obavljalo registriranu djelatnost, kojom prilikom je ustanovila na adresi koja je navedena kao i sjedište firme nije bilo elemenata niti tragova da je to društvo u neposrednoj prošlosti obavljalo djelatnost. Također je utvrđeno da su se posljednje poslovne aktivnosti obavile prije 8 i više godina, tako da društvo nema mogućnosti da obavlja djelatnost, pa barem u ograničenom prostoru. Između ostalog društvo je registrovano i osnovano sa tada minimalnim propisanim osnivačkim ulogom od 2.000,00 KM. U prvih par godina društvo je

uspijevalo pokrivati poslovne rashode ostvarenim prihodima. Par godina poslije zbog narastajuće konkurencije prihodi su bili sve manji i društvo nije uspijevalo pokriti poslovne rashode, te se kao posljedica pojavila nelikvidnost. Uz prijedlog za pokretanje postupka između ostalih priloženi su bilans stanja i uspjeha sačinjeni na dan 31.03.2024. godine. Imajući u vidu da je u momentu sačinjavanja izvještaja sačinjen i godišnji finansijski izvještaj za izradu finansijskog dijela izvještaja korišteni su podaci iz ovog godišnjeg izvještaja. Prema prethodno navedenoj dokumentaciji za 2024. godinu, društvo nije imalo prihoda dok su ukupni rashodi iznosili 68.000,00 KM. Sukladno navedenom za tu godinu ostvaren je gubitak od 68.000,00 KM. U prethodnoj 2023. godini društvo je također nije imalo prihoda dok su ukupni rashodi iznosili 12.107,00 KM, a odnose se na obaveze po osnovu bruto plaća. Prema navedenom gubitak iznosi 12.107,00 KM. Prema bilansu stanja na dan 31.12.2024. godine, društvo nema iskazanih stavki i imovine: oprema i postrojenja, zaliha robe, novca i potraživanja. S druge strane u pasivi je iskazana stavka u vidu negativnog kapitala u iznosu od 158.916,00 KM, a sastoji se od: akumulirani i nepokriveni gubici iz prethodnih godina u iznosu od 92.916,00 KM, gubitak tekućeg perioda u iznosu od 68.000,00 KM i vlasnički kapital iznos od 2.000,00 KM. Negativni kapital u iznosu od 158.916,00 KM, u suštini predstavlja iznos obaveza društva i iste sačinjavaju: obaveze prema dobavljačima u iznosu od 46.937,00 KM, obaveze po uzetim kreditima u iznosu od 1.500,00 KM i ostale obaveze uključujući razgraničenja u iznosu od 110.479,00 KM. Iznos ostalih obaveza od 110.479,00 KM najvećim dijelom se sastoji od obaveza za neto plaće i naknade u iznosu od 98.411,00 KM. Od ostalih obaveza najvažnije stavke su doprinos za PIO/MIO u iznosu od 2.953,00 KM, i obaveze za doprinos za zdravstvo u iznosu od 2.119,00 KM.

Navodi da je za potrebe ovog izvještaja pribavljena je potvrda od Privredne banke d.d. Sarajevo Sarajevo o stanju i statusu transakcijskog računa. Na dan 20.02.2024. godine, stanje na računu je 0,00 KM, a račun je u kontinuitetu blokiran od 14.12.2015. godine.

Kako navedeno društvo već duži niz godina ne obavlja poslovnu ili neku drugu djelatnost, ne ostvaruje nikakve prihode, ne posjeduje nekretnine, vozila, opremu i alat za obavljanje poslovnih djelatnosti nije niti ima mogućnost da izmiri navedene i dospjele obaveze te imajući u vidu stanje transakcijskog računa, stvoreni su i ispunjeni uvjeti za otvaranje stečajnog postupka jer je u smislu čl. 6. Zakona o stečaju utvrđena platežna nesposobnost. Društvo nema pokretne i nepokretne imovine što se dokazuje i uvjerenjima i potvrđama iz javnih registara. Te proizilazi da društvo nema imovine pokretne ili nepokretne, čijom bi se prodajom formirala stečajna masa dovoljna barem za podmirenje troškova stečajnog postupka.

U skladu sa čl. 61. stav 2. tačka b Zakona o stečaju, utvrđeno je da organ ovlašten za zastupanje društva nije podnio prijedlog za otvaranje stečajnog postupka u roku od 60 dana od dana nastupanja platežne nesposobnosti. Prijedlog za pokretanja prethodnog postupka je podnesen 15.04.2024. godine, a transakcijski račun je zvanično blokiran i u kontinuitetu od 14.12.2015. godine a na osnovu Rješenja Kantonalnog poreznog ureda Zenica. Transakcijski račun društva je blokiran sa ukupno osam pojedinačnih naloga.

Slijeom navedenog te u skladu sa zakonskim odredbama predlaže da sud pozove zainteresovana lica i da predujme iznos od 5.000,00 KM, na ime troškova stečajnog postupka i da predlože otvaranje stečajnog postupka, te ukoliko u ostavljenom roku ne uplate predujam niti predlože otvaranje stečajnog postupka, da sud donese Rješenje o otvranju i zaključenju stečajnog postupka te po pravomoćnosti istog društvo briše iz sudskog registra.

Prisutna zastupnik po osnovu zakona predlagatelj je izjavio je da ostaje kod prijedloga za otavranje stečajnog postupka, da nema primjedbi ni pitanja na Izvještaj privremenog stečajnog upravitelja, te da je suglasan sa prijedlogom privremenog stečajnog upravitelja.

Kako stečajni dužnik ima obaveze, a nema imovine, pa ni za troškove stečajnog postupka, to je sud primjenom odredbe člana 102 st. 7. Zakona o stečaju („Službene novine F BiH”, broj: 53/21) pozvao povjerioce i zainteresirana lica da predlože otvaranje stečajnog postupka i uplate predujam za obezbijeđenje troškova stečajnog postupka. Visina troškova srazmjerno je određena visini troškova koji se očekuju, a koji su potrebni za otvaranje i vođenje stečajnog postupku, a koje je predložio privremeni stečajni upravitelj.

Slijedom navedenog odlučeno je kao u izreci ovog rješenja primjenom odredbe čl. 102 st. 7 Zakona o stečaju (Sl. novine F BiH br. 53/21), a ovim rješenjem povjerioci i zainteresirana lica su upozorena na posljedice propuštanja postupanja po pozivu ovog suda, propisane čl. 102 st. 8 Zakona o stečaju.

POUKA O PRAVNOM LIJEKU:
Protiv ovog rješenja nije
dozvoljena žalba.

Sutkinja:
Marina Šapina,s.r.